



Služba za komunalne i inspeksijske poslove

Broj: 04-04-1673/22
Lukavac, 06.09.2022.godine

Na osnovu člana 69. stav 3. Zakona o javnim nabavkama („Sl. glasnik BiH“, broj: 39/14) u otvorenom postupku javne nabavke, Pomoćnik Gradonačelnika za Službu za komunalne i inspeksijske poslove donosi

ODLUKU o otkazivanju postupka javne nabavke

Član 1.

Otkazuje se postupak javne nabavke radova na sanaciji cestovne opreme na putevima općine Lukavac, zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Član 4.

Ovom Odlukom stavlja se van snage Odluka broj: 06-04-1673/22 od 12.08.2022. godine.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 06-02-1637/22 od 08.04.2022. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 250.000,00 KM.

Obavještenje o nabavci broj: 719-1-3-24-3-44/22 objavljeno je na Portalu javnih nabavki dana 15.04.2022. godine.

Komisija za provođenje postupka nabavke imenovana Rješenjem broj: 02-04-1765/22 od 20.04.2022. godine dostavila je Zapisnik o pregledu i ocjeni ponuda broj: 06-04-1673/22 od 22.06.2022. godine, Preporuku o izboru najpovoljnijeg ponuđača broj: 06-04-1673/22 od 22.06.2022. godine i Izvještaj o radu broj: 06-04-1673/22 od 22.06.2022. godine.



Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 3 (tri) blagovremene ponude, a da neblagovremenih ponuda nije bilo;
- da su ponude ponuđača „Timing“ d.o.o Tuzla i „Sacom“ d.o.o Sarajevo kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način;
- Prilikom pregleda i ocjene ponuda Komisija je utvrdila da je ponuđač „Buljan ceste“ d.o.o Kreševo u Prilogu 2- Obrazac za cijenu ponude pod brojem 4. garantni rok upisao 24 mjeseca za horizontalnu signalizaciju, a ispod toga je naveo rok 46 mjeseci za vertikalnu signalizaciju. Obzirom da je tenderskom dokumentacijom tražen jedinstven garantni rok, bez da se garantni rok razdvaja na dvije komponente tj. da se posebno iskazuje za svaki dio predmeta nabavke, Komisija je došla do zaključka da nije moguće izvršiti bodovanje navedene ponude, te zauzela stav da je ponuda ponuđača „Buljan ceste“ d.o.o Kreševo neprihvatljiva, te istu u skladu sa članom 68. stav 4. tačka j) odbacila.

Svi ponuđači su obaviješteni o rezultatu postupka javne nabavke, te je prvorangirani ponuđač „Timing“ d.o.o Tuzla pozvan da dostavi dokumentaciju iz člana 45. i 46. Zakona o javnim nabavkama u roku od 7 (sedam) dana od dana prijema obavještenja o rezultatima postupka. Izabrani ponuđač je u roku dostavio traženu dokumentaciju.

Ponuđač „Timing“ d.o.o Tuzla je aktom broj: 064-2022 od 10.08.2022. godine obavijestio Ugovorni organ da nije u mogućnosti preuzeti posao i potpisati ugovor, te da odustaje od potpisivanja istog, te je ugovorni organ postupio u skladu sa članom 72. stav (3) tačka f) Zakona o javnim nabavkama i ugovor dodijelio drugorangiranom ponuđaču „SACOM“ d.o.o Sarajevo, koji je dostavio prihvatljivu ponudu broj: 303/22 od 09.05.2022. godine sa cijenom od 249.985,00 KM bez PDV-a i garantnim rokom 24 (dvadesetčetiri) mjeseca.

Ugovorni organ je pozvao ponuđača „SACOM“ d.o.o Sarajevo da u roku od 7 (sedam) dana od dana prijema Odluke o izboru najpovoljnijeg ponuđača dostavi originale ili ovjerene kopije dokumentacije iz člana 45. i 46. Zakona o javnim nabavkama i u roku od 7 dana od dana prijema Odluke o izboru najpovoljnijeg ponuđača.

Obzirom da izabrani ponuđač „SACOM“ d.o.o Sarajevo“ do predviđenog roka za dostavu tražene dokumentacije nije dostavio original ili ovjerene kopije dokumentacije iz člana 45. i 46. Zakona, i kako u predmetnom postupku više nema prihvatljivih ponuda riješeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba za investicije i poslove mjesnih zajednica, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. „Timing“ d.o.o Tuzla,
2. „SACOM“ d.o.o Sarajevo
3. Arhivi.-

